



UNIVERSITÄTS-
BIBLIOTHEK
PADERBORN

**Roberti Tvrneri Devonii Oratoris Et Philosophi
Ingolstadiensis Panegyrici Dvo**

Turner, Robert

Ingolstadii, Anno M. DC. IX.

Lectori.

[urn:nbn:de:hbz:466:1-69598](https://nbn-resolving.org/urn:nbn:de:hbz:466:1-69598)



LECTORI.

MULTI hinc reperient multa, quæ non faciunt ad stomachum. omnibus vna responsio, ne Iouem quidem placere omnibus. mercator vult pœem, bellum miles. istic nisi duos architectæris Ioues, duobus certè his non placeas, eodem punctulo petentibus diuersa. immò si duos architectæris Ioues, maiores ciuntur turbæ. nam miscebit iste, quicquid ille pacat. addo, id me semper agere, vt placeam vel boni palati, vel certè non corrupti stomachi hominibus. nam his quid feceris, qui non gustant Corsicum, aut eiiciunt Capum? illo nihil meracius, hoc nihil sapidius. qui obiciunt, hanc non esse palæstram Theologi, vel Sacerdotis, refelluntur à Nazianzenis, Chrysofomus, Augustinis. etiam ab his minimis ordiuntur maximi, quasi pannum sericum à telis vermium. quibus displicent in orationibus non omnia Ciceroniana, sunt delicatuli. his non me profiteor coquam. Cicero habet multa, non omnia; optima, non singulis. architecto quid supeditat? nihil. minus piscatori. quò certè æquius postulo mihi Theologo has indulgeri voces: Miraculum, Creationem, Sacramentum, Angelum, Blasphemiam, umbellam, fratrem, religiosum, caputium, iustificationem, cœlitus, humilitatem, assumptionem diuæ MARIÆ, zelum, resurrectionem, vnitatem Ecclesiæ, passionem Christi, aliasque huius notæ voculas, ignotas Ciceroni, tritas iam Scholæ. planè quoties audio sacra symbola pro Sacramentis, diuinæ intelligentias pro Angelis, summisionem pro humilitate, aliasque voces prisca pro rebus nostris nouis, rideo ineptos, quasi mallent esse obscure Ciceroniani, quam

Ad Lectorem.

quàm Christianè clari. etiam his narro, Ciceronem à nobis esse, qui rei nouæ sapè nouam vocem ponit, neque curat bonus Orator, quàm priscè, sed quàm clarè. non acquiescetis? tyrones estis in his rebus, quasi èloquentia definiretur voce vel formula, ac non potius idæa, & orationis, quasi corporis, tota conformatione. erit alius, qui reprehendat aliud. etiàmne? audes tu hac in palestra? tace, nisi vis, obiecto mure, aperiam felim fœdè latentem sub puellæ forma. Vale, nisi me vis perire.

Orationes hæ XVI. vnà cum reliquis, &c. nihil continent vel Orthodoxæ Religioni vel bonis moribus contrarium. Ideoq; tutò imò & utiliter typis committi possunt. Ita libenter testator Ego

CASPARVS FRANCVS S. Theol.
Doct. & Collegij Theologici pro
tempore Decanus in Academia
INGOLSTADIANA.

INDEX